

8. Niðurstöður hópumræðna um stefnuyfirlýsingu.

Helga Hauksdóttir las stefnuyfirlýsingu eftir að hópumræðustjórar höfðu komið sér saman um breytingar.

Athugasemdir komu frá Sigrúnu Helgadóttur vantar í st.y.l. að taka tillit til umhverfismála, frá Laufey Jakobsdóttur þyrftum að taka tillit til fíkniefnavandamálsins og frá Guðrúnu Jónsdóttur. Hún taldi að plaggið þyrfti að vera einfalt, hnitmiðað og skarpt. Taldi upphafið nánast óparft, ekki ástæða til að fagna og hrópa húrra. Nauðsynlegt að benda á tekjutilfærsluna, sem á sér stað við launaskerðingu.

Fleiri tóku til máls og voru sammála Guðrúnu um að skerpa þyrfti orðalag og hnykkja á ýmsum atriðum, þó flestar lýstu sig efnislega sammála yfirlýsingunni.

Samþykkt var tillaga um skyndinefnd er breytti orðalagi stefnuyfirlýsingar í samræmi við framkomnar athugasemdir. Stungið var upp á Guðrúnu Jónsdóttur, Elínu Ólafsdóttur, Sigrúnu Sigurðardóttur, Sigriði Dúnu Kristmundsdóttur og Sigrúnu Helgadóttur.

9. Starfið framundan.

Guðny Guðmundsd. stýrði fundi meðan Jóhanna skýrði frá tillögum fjármálanefndar. Aætlaður skrifstofukostnaður kr. 30.000,oo á mánuði. Tillaga um að þingflokkssstyrkinn standi undir því ásamt framlagi frá Reykjavíkuranga og Reykjanesanga. Tillaga um lágmarksfélagsgjald kr. 400,oo. Eftir umræður var tillögum fjármálanefndar vísad til félagsfunda anganna til nánari umfjöllunar.

Samþykkt var tillaga um ferðastyrk kr. 1000,oo til þeirra 6 kvenna sem komu á landsfundinn utan af landi. Afgangurinn af "Búða sjóðnum" notaður til stofnunar ferðasjóðs.

Samþykkt var viljayfirlýsing um að stefnt yrði að því að varabingkona utan af landi fái styrk til að koma til Reykjavíkur einu sinni í mánuði.

10. Önnur mál.

Jóhanna tók aftur við fundarstjórn.

X

Rædd ýmis mál svo sem: útgáfumál, samstarf við Veru, fíkniefnavanda-málið, leshópa, bakhópastarf, tilgang bakhópa o.fl. ákvarðanataka og valddreifing.

Kristín Jónsdóttir las stefnuyfirlýsingu endurbætta frá skyndinefndinni.

Stefnuyfirlýsingin rædd. Guðny Guðmundsdóttir gagnryndi breytingar á yfirlýsingunni, sérstaklega setningu um að ríkisstjórnin taki helming af kaupi launafólks ófrjálsri hendi og flytji í vasa atvinnurekenda. Margrét Sæmundsdóttir lagði til að setningin falli niður. Guðrún Jónsdóttir lýsti sig andvígla því og sagði að með því að fella setninguna niður tækjum við ekki afstöðu.

Sigriður Angantýsdóttir var sammála Guðrúnu og benti á að við værum ekki að deila á atvinnurekendur heldur ríkisstjórnina, sem lögfesti kjaraskerðinguna.

Guðrún Jónsdóttir flutti breytingartillögu, að setningin yrði orðuð: Ríkisstjórnin hefur þar með tekið allt að helming af kaupi launafólks ófrjálsri hendi og flutt til atvinnurekenda.

Gengið til atkvæða 13 samþykktu að fella setninguna niður, en 10 voru samþykkar breytingartillögu Guðrúnar Jónsdóttur.

Kristín Blöndal lýsti efasendum á vinnubrögðum sem viðhöfð voru við afgreiðslu stefnuyfirlýsingar.

Fleiri athugasemdir og tillögur um orðalagsbreytingar komu frá. Samþykkt að í öðrum kafla standi "felst hætta á samdrætti" í stað "felst samdráttur". Guðrún Sæmundsdóttir bað um skýringar á kaflanum um hernaðarmannvirki. Fundarkonur lýstu sig almennt sammála þeim kafla og bentu á að við værum róttækustu friðarsinnar á Íslandi.

Stefnuyfirlýsingin var samþykkt með 28 atkvæðum.

Að lokum tóku ýmsar fundarkonur til máls þökkuðu fyrir sig og lýstu ánægju með landsfundinn, þó skoðanaskipti hefðu orðið þyrfti það ekki að vera neikvætt.

Fundi var slitið rúmlega 19. áx og endað á söngnum "Dómar Heimsins".

Elini Ásthórdóttir ritari